



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 5. Salutis media.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

ad perfectionem sufficere; sequæ hostiam sanctam, vivamque, vocanti Deo offerre. Bæza t. 2. l. 10. c. 3. §. 13.

Nos ipsi faciamus opus. 2. Esdræ 4. 21. S. Bonavent. in spec. Virg. c. 11. bene aiunt edificantes, *nos ipsi faciamus opus.* Quod opus? nisi de quo Apostolus ait. *Dum tempus habemus, operemur bonum.* Gal. 6. 10. Bene autem dicunt, *nos ipsi*; non nostri fidearii. Unde alibi ait: *in omnibus exhibeamus nosmetipsos, sicut DEI ministros.* 2. Cor. 6. 4. Sed oppones illud Jacobi 5. 16. *Orate pro invicem, ut salvemini: multum enim valet deprecatio iusti assidua.* Videur significare: posse nos securos vivere, dum nos modò iustorum precibus commiserimus. Respondet Sanct. Anastasius Sinaita de synaxi: iunge clamorem tuum cum Sacerdote pro deprecante: da te ipsum pro tua salute. *Multum valet deprecatio iusti assidua*, & efficax; sed efficax erit, si & tu cum Sacerdote partes tuas copules, fructusque poenitentiae demonstres. Did. Niss. Dom. 5. Pasch. §. 2.

Ego ad Deum clamavi; & Dominus salvabit me. Psalm. 54. 17. Hugo Card. ego non per Vicarium clamavi, sicut Canonici; qui per Vicarium cantant; & fortè per Vicarios salvabuntur. Sanct. Ephrem. de resurr. mortuorum: felix regio, felix civitas, felix generatio; quæ in se continet multitudinem iustorum: feliciores autem iusti ipsi.

Videns JESUS fidem illorum, dixit paralitico: confide fili, remittuntur tibi peccata tua. Matth. 9. 2. Sanato dixit: *surgere, tolle lectum tuum; & vade in domum tuam: & surrexit, & abiit.* v. 6. Querit Haymo, cur sanatum à se dimiserit? respondet: quia ipse non fuerat deprecatus pro salute; sed alii pro eo intercesserunt; noluit habere eum secutorem. Id. serm. de siti Christi.

Gaudium erit super uno peccatore poenitentiam agente. Luc. 15. 7. Non gaudet coelum, quando peccator solâ ope precum alienarum vivit; sed dum ipse poenitet &c. Did. Niss. Dom. 5. Pent. §. 2.

Mitte Lazarum &c. Luc. 16. 24. Preme digitum suum, & linguam meam. Si tua est lingua refrigeranda, cur ejus digitum expectas? & non potius tuum exeris? Hæc est stultitia peccatoris: alienis operibus niti ad salutem suam propriam; alienum caput ad propriam elevare redemptionem. Petrus Cell. lib. de panib. conscientia de gravioribus confitens, non alterius, sed proprio digito, velit amovere poenam. Id. ibid.

Levate capita vestra, quoniam appropinquat redemptio vestra. Luc. 21. 28. Quia nostra est salvatio, nostra sit poenitentia. Non nitere alienis operibus, dum propriæ salutis negotium agitur. Escobar t. 5. Proph. Chr. l. 1. sect. 2. Obl. 3.

Vade lava in natatoria Siloe abii, & lavavi. Joan. 9. 7. 11. Felix homo, cui datum est; ut salutis suæ negotia ipse per seipsum. Polyanth. Sacr. Tom. II.

perficiat; nulli illa committat. Quod insanissimum reputatur in discrimine vitæ temporalis, quotidie ab hominibus fit in summo æternæ salutis discrimine. Remittunt infelicissimi negotia animæ suæ in id tempus; quando vel ipsi morbo correpti vix verbum facere possunt, nec aggredi opus ullum; vel defuncti, in purgatorio nihil prorsus salutare sibi possunt efficere; sed omnia salutaria in aliorum diligentia fallibili, & incerto, constituunt. Bæza t. 2. l. 12. c. 3. §. 13.

§. V.

Salutis media.

Num. I.

Facilia, multa, in promptu.

Quid facietis in die visitationis, & calamitatis de longe venientis? ad cuius confugietis auxilium? Is. 10. 3. Sanct. Basilius M. intelligamus sanè, cur sic dicat *de longe*? & salus nostra non à longinquo, sed è vicino nobis adest. Scriptum est enim: *prope est Dominus omnibus invocantibus eum.* Psalm. 144. 18. Did. Niss. D. 1. Pasch. §. 4.

Amice, quomodo huc intrasti, non habens, vestem nuptialem? &c. Matth. 22. 12. Cur Rex tam iratus; præsertim cum servi tam celeriter adesse coegerunt, quos invitabant; ut curandi vestitus honestioris non permitterent otium? Respondet Euthymius: in corruptibilibus nuptiis respondere quispiam, posset, quod digna stola difficilis inventu foret: in his autem incorruptibilibus nuptiis ablata est omnis occasio: in proximo namque est ornatus, ac inventu facilis; si modò illum verè quaesierimus. Justè itaque illum ejicit, qui ornatus non erat, tanquam segnem, & negligentem. Did. Niss. D. 3. Pasch. §. 5.

Joseph accessit ad Pilatum, & petiit corpus JESU. Matth. 27. 58. gratis scilicet. At JESUS triginta argenteis venditur Judæis à Juda. Matth. 26. 15. Cur illic gratis, hic verò data pecuniâ? Joseph corpore JESU negotiatur æternam salutem; Judæi verò perditionem: salus autem gratis; perditio multis sumptibus comparatur. Sylveira c. 30. in Luc. 18.

Ut cognovit. Luc. 7. 37. Unde hoc illa intellexit? Cajetanus: nacta commoditas huic mulieri significatur ex accubitu JESU in domo Pharisæi, aut ex vicinitate, aut quod in eadem domo, in alia tamen contignatione, habitaret. Hinc æstima, quàm propinqua sit homini salutis suæ occasio; quando Magdalena non procul exire necesse habuit; ut opportunum morbo suo antidotum reperiret. Sanct. Chrysologus l. 93. Dominicos pedes lavat lacrymis, crinibus tergit. Vacat ergo ab exco. atione paupertas, quia in totum sibi natura sufficit ad obsequium Creatoris. Did. Niss. Dom. 1. Pasch. §. 4.

Erat quidam mendicus, nomine Lazarus, qui jacebat ad januam ejus ulceribus plenus.

Gggg 2

plenus. Luc. 16. 20. Quò consiliò Dei Providentia ordinavit; ut is mendicus proximus esset foribus domus divitis illius gurgitis? Respondet Sanct. Chrysologus f. 121. purpurâ, byssò, delicatis vestibus, epulis blandis, ferrea viscera crudelis anima nutrebat. At quid egit Dominus? humanæ, inquit, salutis avidus inquisitor, illum emollire cupiens; non tam Lazarum, quàm ipsum pietatis conflatorem, ejus projecit ad januam. Conflatorem dixi, propter ferrea viscera. q. d. ad ipsum vestibulum ædium illius, ob ipsos aded oculos, posuit Dominus occasionem remedii, & fornacem; in qua ferrum immanium viscerum suorum coquere, & transfundere in aurum pietatis, & misericordiae, possit. Did. Niss. ib.

Jejuno bis in Sabbatho &c. Luc. 18. 12. At Publicanus: *Deus propitius esto mihi peccatori.* v. 13. Phariseus vanitatis, & elationis, ventos emebat, & in perditionem suam sumptus faciebat Sanct. Chrysost. hom. de David & Saul: quot labores subeundi erant Phariseo, jejunando, humi dormiendo, vigilando, bona sua pauperibus elargiendo? At publicanus, cum nihil tale fecerit, simplici verbò omnem deposuit iniquitatem; idque sine sudoribus, & absque longi temporis mora. Sylveira c. 21, in Marci 15.

Hic venit in testimonium. Joan. 1. 7. Cur Christus Dominus voluit habere testimonium à Joanne? Sanct. August. tr. 35. in Joann. talis venit Christus, ut opoteret ei lucernam testimonii perhibere. Nunquid opus erat, ut Joannes, tanquam lucerna, perhiberet testimonium diei, si dies ipse infirmitates nostras posset videre? Secundo responderet Orig. tom. 2. in Joan. ut abundans esset via ad credendum: nam ad salutem non solum dat media necessaria; sed etiam cumulata exhibet. Fecit Christus D. tot miracula, & signa; voluit tamen testimonium Joannis. Sylveira hic q. 33.

Stetit in medio. Joan. 20. 19. Quàm propinquum, & ad manum, habet homo bonum sui remedii, & remedium omnis mali. *Stetit in medio:* ut doceret, quàm facile habere copiam illius possimus; qui semper in medium coetum se nostrum ingerit. Sic enim solemus dicere, in medio quidquam esse; quod promptum, & facile obtentu indicare volumus. Sanct. Ephrem lib. de linguæ malo: cuncta DEUS suo disposuit ordine; ut ad manum cuique sint, quibus ab inimicis se defendat. Instructus es ergo armis, ô homo, adversus quoscunque hostes. Hæc, tibi ad salutem concessa, si neglexeris, victus in die Judicii, quemodo teipsum excules, non habebis. Did. Niss. D. 1. Pasch. §. 4.

Corde creditur ad justitiam, ore autem confessio fit ad salutem. Rom. 10. 10. Magnus, filioli, per hoc Fidei nostræ videmus compendium; quando inter cor, & linguam, totum salutis humanæ versatur, & geritur Sacramentum. S. Chrysost. l. 56.

Alia aliis præfinita est tempestas: alia est enim seminis, alia messis; alia pacis, alia

belli; alia quæstus, alia feriarum: animæ salutis nulla non idonea; omnisque commodus dies; si velimus. B. Theodorus Studita f. 130.

DEUS salutem Electorum suorum sæpe promovere solet ex his, quæ ipsi omnino contraria salutis suæ esse arbitrantur, Blosius Instruct. spir. c. 8.

Num. II.

Pessimum iis abuti.

Habitavit in civitate illa. Jos. 20. 6. Refugium habuit, qui extra civitatem deliquit: verum, si quis in ipsa civitate homicidium perpetrasset; jam illa civitas non erat immunitatis tessera, sed discriminis causa. Naxera hic. §. 13.

Arca Dei capta est, duo quoque filii Heli mortui sunt, Ophni, & Phinees. 1. Reg. 4. 11. Et cur, cum tantò antea nimis percelluerit sententia, à sacrificiis non requirunt tutamen? Minatur Jonas Ninivitis c. 3. 8. illi tamen adversus Numinis iras opponunt penitentia lugubrem habitum. 2. Reg. 24. 25. Dei minister stricto gladiò peste populum absumebat; David pectus corruptionem sacris victimarum ignibus purgat: *Otulit holocausta, & pacificia; & propitiatus est Dominus terræ; & cohibita est plaga ab Israel.* Cur Heli filii, ad avertendam Numinis iram, non quoque sacrificia offerunt? David non peccarat sacrificiò; at filii Heli sacrificia adulterata sunt in scelera: nam violentè auferebant aræ, quod offerrent avaritiæ. 1. Reg. 2. 15. *veniebat puer Sacerdotis, & dicebat immolanti &c.* Erat ergo peccatum puerorum grande nimis coram Domino, v. 17. Id. ibid.

David psallebat manu sua: nisusque est Saul confingere David lanceâ in pariete. 1. Reg. 19. 9. 10. Cur dæmon invidum contra unum Davidem commovet, ut de medio tollat? quia David cantu afferebat morbo medelam: remedium ergo nititur callidus dæmon in agroti vertere damnum; ut exinde nulla ei superest spes salutis. O quoties in scelerum auxilia virtutis vertuntur arma! Id. ib.

Est & hæc perversitas hominum, salutaria excutere, exitiosa suscipere, periculosa quæque medicamenta vitare; mori denique citius desiderare: nam & medicina præsidium plures refugiant, plures stulti, plures timidi, & malè verecundi. Tertull. adv. Gnost. c. 5. Sed nondum hæc tora malignitatis vis explicatur: non solum medicina respuitur; sed in morborum fomentum convertitur. Sic medela transit in venenum, & salus omnino desperatur. Idem ibid.

§. VI.

Salutis impedimenta tolle.

Nudaverunt tectum, Marci 2. 4. Matth. 9. 2. Permittit Christus, ut per tectum paralyticus ad se descendat: quò doceat, nullum debere